

## Suliffeqarneq pillugu kisitsisitigut paasissutissat nutaat

**Paasissutissat nutaat sukumiinerusullu aallaavigalugit Kalaallit Nunaanni Naatsorsueqqissaartarfik suliffeqarneq pillugu kisitsisitigut paasissutissat nutarterpai. Kisitsisit nutaat saqqummersut tunngavigalugit saqqummiussa qkiunut 2007-miit 2010-mut tunngavoq.**

### *Paasissutissat nutaat*


Siusinnerusukkut suliffeqarneq pillugu kisitsisitigut nassuiaasiaq sulisitsisut ukiu-moortunik akissarsianik akileraarusikkanik nalunaarutaannik tunngavilersugaasarpog. Nalunaarutilli erseqqivissunik atorfeqarnerup qanoq sivisutigisimaneranik paasissutissartaqarneq ajorput, tamassuma kingunerisarpaa, suliffeqarnermut naatsorsuutit nalorninartoqartarnerat. Suliffeqarneq pillugu kisitsisitigut nassuiaasiap pitsaanerusunngortinnissaa anguniarlugu Kalaallit Nunaanni Naatsorsueqqissaartarfik Akileraartarnikkullu Aqutsisoqarfik isumaqatigiissuteqarput sulisitsisut qaammatikkaartumik akissarsiat pillugit nalunaarutaasa paasissutissartaannik aalajangersimasunik tunniussisarnissaannik. Suliffeqarneq pillugu kisitsisitigut nassuiaasiaq nutaaq paasissutissat pineqartut tunngavigalugit suliaavoq.

### *Periaaseq nutaaq*

Paasissutissat peqqissaarussat tunngaviusut naatsorsuutinik pitsaanerulersitsiinnaratik naatsorsueriaatsinik nutaanik periarfissiipput, siornagut paasissutissatut tunngaviusut tunngavigalugit anguneqarsinnaanningsut. Pitsanngorsaannermut atatsillugu Kalaallit Nunaanni Naatsorsueqqissaartarfik pisinnaasani tamakkerlugit ileqquusutut pitsaassutsimik atugarisat piviusunngortinniarsimavai, taamaattumik periaasinik annertuumik allannguisimavoq. Kisitsisit maanna nutaajuppuut taamaattumillu siornagut saqqummiussanut assersuunneqarsinnaannatik.

### *Titartagaq 1.*

**2007-miit – 2010-mut suliffeqartut amerlassusaat qaammammut ataatsimut ag-guaqatigiissillugit**




**Aasaanerani suliffeqarneq annertunerusarpoq**

Soorlumi Titartakkagaq 1.-mi ersersinneqartoq, naatsorsuutit nutaat takutippaat ukiup ilaatigut suliffeqarnerup nikerarnera. Nikeqqajaaneq imaappoq aasaanerani sulisut amerlanerusalutik, ukiullu kingulliit pingasut takutippaat kvartaalit pingajuat suliffiunerpaajusartoq. Akerlianik ukiuunerani suliffeqarneq nalinginnaasumik annikinnerulersartoq.


**Tallimanit sisamat 2010-p ingerlanerani suliffeqas-sapput**

Naatsorsuutit nutaat ilimanaateqartileraattaq, innuttaasut akornanni inuit amerlasuut suliffissaqarfinnut aalajangersimangitsumik attuumassuteqassasut. 2010-mi inuit aalajangersimasumik najugaqartut 14-nit sinnerlugit utoqqaassusillit tamakkerlutik ukiup ilaatigut 80 pct.-iisa missaat suliffeqassasut – tassani akuullutik utoqqalinersiuteqalersimasut, siusinaarlutik pensionersimasut, ilinniagallit, atuartut naartu-nermilu sulinngiffeqartut. Qaammammut agguaqatigiissillugu 60 pct.-tit missaan-naat, ukiumi pineqartumi suliffeqassartarput.

**Titartagaq 2. Angutit 2010-mi sulisut inuussutissarsiutinut aalajangersimasunut immikkoortillugit**



**Titartagaq 3. Arnat 2010-mi sulisut inuussutissarsiutinut aalajangersimasunut immikkoortillugit**



**Angutit arnallu suliffii assigiinnegeqaat**

Titartakkat 2.-p aamma 3.-p takutippaat, inuussutissarsiummi suusumi angutit arnallu suliffeqarnerisa assigiinneqissusaat. Tassa 2010-mi arnat 60 pct.-tii pisortani sulipput, angutilli kuartiisa missaat taamaallaat pisortani suliffeqarlutik. Inuussutissarsiutinili allani angutit amerlanerpaatigut inissisimallutik, soorlu aalisartuunikkut taamatullu sanaartornermik ingerlatillutik, taakkunani arnat annikittuaraannaallutik.

*Pdf-fiilitut* Saqqummersitaq ”*Suliffeqarneq 2007-2010*” pdf-fiilitut Kalaallit Nunaanni Naatsorsueqqissaartarfiup nittartagaani [www.stat.gl](http://www.stat.gl) iserfigalugu aaneqarsinnaavoq. Allatigut apeqqutissaqartoqassaguni naatsorsueqqissaarnermut siunnersorti Søren W. Børgesen e-mail-kut [swbo@stat.gl](mailto:swbo@stat.gl) attavigineqarsinnaavoq.

Inussiarnersumik inuulluaqqusillunga

Søren W. Børgesen  
Naatsorsueqqissaarnermi siunnersorti